

CHAN

1975  
KUCHING, 1 OGOS (BERNAMA). - TIMBALAN MENTERI PELAJARAN, ENCIK CHAN SIANG SUN BERKATA DI SINI HARI INI KEMENTERIANNYA SEDANG MENGAMBIL LANGKAH-LANGKAH +PALING SEGERA+ UNTUK MEMBAIKI KEADAAN SEKOLAH-SEKOLAH LUAR BANDAR DI SARAWAK.

BERCAKAP KEPADA PARA PEMBERITA SETIBANYA UNTUK LAWATAN TIGA HARI KE SINI BELIAU BERKATA MENTERI PELAJARAN, DR. MAHATHIR MOHAMAD SANGAT MEMANDANG BERAT TERHADAP KEADAAN BURUK DI KEBANYAKAN SEKOLAH DI SINI SEMASA LAWATANNYA KE NEGERI INI BARU-BARU INI.

TIMBALAN MENTERI ITU BERKATA SEBANYAK 52 PROJEK TERMASUK MEMBINA SEKOLAH BARU DAN BANGUNAN-BANGUNAN TAMBAHAN SEDANG DILAKSANAKAN DI BERBAGAI PERINGKAT DI NEGERI INI.

MENJELANG PENGHUJUNG TAHUN INI SEBANYAK \$41 JUTA AKAN DIBELANJAKAN BAGI MEMBINA BANGUNAN-BANGUNAN BARU SEKOLAH MENENGAH DAN MEMBAIKI BANGUNAN-BANGUNAN LAMA.

LEBIH BANYAK SEKOLAH JUGA AKAN DIBINA MULAI TAHUN DEPAN DIBAWAH RANCANGAN MALAYSIA KETIGA.

ENCIK CHAN YANG JUGA PRESIDEN PERSATUAN BOLA TAMPAR MALAYSIA AKAN MERASMIKAN KEJOHANAN BOLA TAMPAR MALAYSIA YANG KE 10 DI SINI ESUK. - BERNAMA 1517/BW